

AUGLÝSING**um breyting á samþykkt um stjórn Akureyrar nr. 143 29. ágúst 1962.**

1. gr.

29. gr. A. 2. orðist svo:

Bygginganefnd: 5 aðalmenn og 5 til vara.

2. gr.

29. gr. A. 4. orðist svo:

Hafnarnefnd: 5 aðalmenn og 5 til vara.

Samþykktabreyting þessi, sem bæjarstjórn Akureyrarkaupstaðar hefur samið og samþykkt, staðfestist hér með samkvæmt lögum nr. 58 29. marz 1961, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 17. júlí 1967.

F. h. r.

Hjálmar Vilhjálmsson.

Hallgrímur Dalberg.
AUGLÝSING**um staðfestingu á fundarsköpum fyrir hreppsnefnd
Eyrarhrepps, Norður-Ísafjarðarsýslu.**

1. gr.

Rétt til setu á fundum hreppsnefndar Eyrarhrepps eiga 7 kjörnir hreppsnefndarmenn, auk sveitarstjóra, ef hann er ráðinn.

Þeir ræða og gera ályktanir um sveitarmálefni.

Sveitarstjóri hefur ekki atkvæðisrétt á fundum, nema hann sé jafnframt kjörinn hreppsnefndarmaður.

Varamenn taka sæti á fundum í forföllum aðalmanna, samkvæmt gildandi sveitarstjórnarlögum.

2. gr.

Fyrsta fund hreppsnefndar, að loknum hverjum sveitarstjórnarkosningum, skal halda eigi síðar en á áttunda degi frá kjördegi.

3. gr.

Á fyrsta fundi hreppsnefndar kýs hún sér oddvita og varaoddvita, og fer um kosningu þeirra og starfstíma eftir gildandi sveitarstjórnarlögum, sem og annarra starfsmanna (nefnda), og sem hreppsnefnd kýs. Þá skal hreppsnefnd ráða sér fundarritara og varafundarritara, sem skipta með sér verkum, og skulu þeir jafnan vera úr hópi hreppsnefndarmanna.

Oddviti stjórnar fundum og sér um, að fundir fari fram í fullri reglu og eftir fundarsköpum þessum.

Skylt er fundarmönnum að hlíta úrskurði oddvita samkvæmt þessum fundar-sköpum, þó má skjóta úrskurðinum til hreppsnefndar, ef vafi leikur á um skilning fundarskapa.

Varaoddviti skal gegna störfum oddvita í forföllum hans.

Fundarritari heldur gerðabók hreppsnefndar og sér um, að hún sé rétt og skipulega færð. Allir hreppsnefndarmenn, sem til fundar mæta, skulu undirrita fundargerðina í fundarlok. Hver fundarmaður, sem eigi er samdóma hinum, á rétt á því, að ágreiningsálit hans sé fært í gerðabókina á skilmerkilegan hátt.

4. gr.

Oddviti (sveitarstjóri í samráði við oddvita) boðar hreppsnefndarfundi á þeim stað og stund, er hann ákveður.

Fundir hreppsnefndar skulu vera tvenns konar: Reglulegir fundir og aukafundir. Reglulega fundi skal halda einn í hverjum mánuði, fyrsta föstudag hvers mánaðar. Fundir skulu að jafnaði hefjast kl. 20.30 og eigi standa lengur en til kl. 24.00, nema hreppsnefnd samþykki framlengingu þeirra.

Farist reglulegur fundur fyrir vegna helgi umræddan föstudag, eða af öðrum ástæðum, skal hann haldinn næsta virkan dag þar á eftir, og eigi síðar en á næsta miðvikudag.

Aukafundi skal halda svo oft sem oddvita (sveitarstjóra) þykir þörf á. Ávallt skal boða aukafundi, ef tveir hreppsnefndarmenn eða oddviti æskja þess. Nægur fyrirvari með boðun til aukafundar teljast þrjár klukkustundir. Aukafundi má boða með símtali, en tilgreina skal helztu dagskrárliði.

5. gr.

Allir reglulegir fundir hreppsnefndar skulu haldnir í heyranda hljóði, og skal dagskrá slíkra funda boðuð með uppfestum auglýsingum með sama fyrirvara og gildir um dagskrártilkynningar til hreppsnefndarmanna. Áheyrendur á slíkum fundum eru skyldir til að vera kyrrir og hljóðir og mega ekki láta í ljósi ánægju sína, né vanþóknun, um það, sem á fundinum gerist. Brjótí nokkur á móti þessu, skal oddviti áminna viðkomandi, en við ítrekun getur oddviti látið vísa honum út úr fundarsalnum, og ef þörf gerist, látið ryðja fundarsalinn.

Sveitarstjóri, eða hreppsnefndarmaður getur óskað þess, að mál sé rætt fyrir luktum dyrum, og sker hreppsnefnd úr um það hvort svo skuli gert. Hvorki sveitarstjóri né hreppsnefndarmaður mega skýra frá umræðum eða atkvæðagreiðslu í þeim málum, er rædd eru fyrir luktum dyrum.

6. gr.

Oddviti (sveitarstjóri) ákveður dagskrá fundanna (sveitarstjóri í samráði við oddvita). Röð mála á dagskrá gretur hreppsnefnd breytt með ályktun sinni, svo og fellt mál af dagskránni. Einnig getur hún ákveðið með samþykki meirihluta mættra hreppsnefndarmanna, að mál, sem eigi eru á dagskrá, verði tekin á hana.

Hvert það erindi, er óskað er, að tekið sé fyrir á reglulegum fundi hreppsnefndar, skal komið til oddvita (sveitarstjóra) eigi síðar en á hádegi næsta þriðjudag fyrir fundardag. Skal oddviti (sveitarstjóri) í síðasta lagi fyrir kl. 12 á miðvikudag þar á eftir hafa sent öllum hreppsnefndarmönnum dagskrá, er greini frá erindum þeim, sem fyrir fundinum liggja. Hverjum hreppsnefndarmanni er heimilt að krefjast þess, að ákveðið mál verði tekið á dagskrá fundar, en skylt er að gera það skriflega með þeim fyrirvara, sem fyrr greinir.

Þegar lagðar eru fram gerðir fastra nefnda, skal útdráttur úr fundargerð þeirra fylgja dagskránni.

7. gr.

Hreppsnefnd skal hafa tvær umræður með að minnsta kosti einnar viku milli-bili um eftirtalin málefni:

- a. Hina árlegu fjárhagsáætlun hreppsins.
- b. Ársreikninga hreppsins og fyrirtækja hans.
- c. Reglugerðir, sem hljóta eiga staðfestingu ráðherra, eða sýslunefndar.
- d. Beiðni um aðstoð til handa hreppnum.

Rétt er við síðari umræðu fjárhagsáætlunarinnar, að hún sé rædd lið fyrir lið og greidd atkvæði um hana þannig, og síðan áætlunina í heild.

Fundir hreppsnefndar um mál þau, er grein þessi tekur til, skulu ávallt haldnir í heyranda hljóði.

8. gr.

Fundarmaður, sem taka vill til máls, skal snúa sér til oddvita og leyfir hann venjulega fundarmönnum að taka til máls í þeirri röð, er þeir æskja. Þó má hann breyta út af því, er til framsögumanns eða flutningsmanns kemur, svo og til þess, að umræður með eða móti málefni skiptist á, eða til þess, að fundarmaður geti gert stutta leiðréttingu eða athugasemd, er snertir hann sjálfan.

Biðji fleiri sér hljóðs jafnsnemma, ræður oddviti í hverri röð fundarmaður skuli taka til máls.

9. gr.

Sveitarstjóri hefur óbundið málfrelsi á fundum, en gæta skal hann fundarskapa. Flutningsmaður máls má ekki tala oftari en þrisvar við hverja umræðu máls, og aðrir hreppsnefndarmenn ekki oftari en tvisvar. Þó er fundarmanni heimilt að biðja sér hljóðs, til þess að gera stutta fyrirspurn, bera af sér ámæli, athugasemd um atkvæðagreiðslu eða gæzlu fundarskapa.

Ræðumaður standi við sæti sitt, meðan hann flytur mál sitt.

10. gr.

Ræðumaður skal halda sér við það mál, sem til umræðu er. Hann skal varast að meiða menn eða hafa ósæmileg orð. Ef hann bregður út af þessu, skal oddviti víta það og nefna ummælin. Nú er fundarmaður víttur tvisvar á sama fundi og má oddviti, með samþykki hreppsnefndarmanna svipta hann málfrelsi á þeim fundi.

11. gr.

Sveitarstjóri og sérhver hreppsnefndarmaður hefur rétt til að bera upp tillögur og breytingartillögur við það mál, sem til umræðu er. Tillögur skulu vera skriflegar og skal veittur hæfilegur tími til að semja þær.

12. gr.

Ef umræður um eitt mál dragast um skör fram, getur fundarmaður óskað eftir að þeim verði hætt og sker hreppsnefnd úr um það umræðulaust.

13. gr.

Ekki má hreppsnefnd gera ályktun um nokkurt mál nema meira en helmingur hreppsnefndarmanna sé á fundi og greiði atkvæði um það.

14. gr.

Enginn hreppsnefndarmaður má greiða atkvæði um fjárveitingu til sjálfs sín, eða í máli, sem varðar hagsmuni hans sérstaklega. Honum er þó heimilt að skýra málið frá sinni hendi. Hreppsnefnd sker úr um það umræðulaust, hvort mál er svo vaxið, sem nú var sagt.

15. gr.

Oddviti ræður því, hvernig atkvæðagreiðslu er skipt, í hverri röð og innra sambandi hún fer fram. Þó getur hreppsnefnd, ef meirihluti hennar krefst þess, breytt ákvörðun oddvita. Krefjast má, að atkvæðagreiðslu um tillögu sé skipt.

16. gr.

Afl atkvæða ræður úrslitum mála. Verði jöfn atkvæði telst ályktun fallin, en um kosningar ræður hlutkesti. Skytt er hverjum hreppsnefndarmanni að vera viðstaddur atkvæðagreiðslu og taka þátt í henni, nema hann hafi lögmat forföll, hafi hann verið á fundi, þegar ályktunin var rædd.

17. gr.

Nú er mál útrætt og skal þá gengið til atkvæða. Atkvæðagreiðslan fer venjulega fram þannig að hver hreppsnefndarmaður réttir upp aðra hönd sína. Nafnakall skal við hafa, ef einn hreppsnefndarmaður óskar þess áður en til atkvæðagreiðslu kemur, svo og ef atkvæðagreiðsla þykir óglögg. Við nafnakall greiðir oddviti síðastur atkvæði.

18. gr.

Auk fastra nefnda, sem hreppsnefnd kýs, hefur hún rétt til að setja nefnd í það mál, sem á dagskrá er. Fer um kosningu slíkra nefnda eins og fastra nefnda, eftir gildandi sveitarstjórnarlögum, eins og segir í þriðju grein fundarskapa þessara.

19. gr.

Hreppsnefnd skal að öllu jöfnu leita umsagnar nefnda um einstök mál, áður en hún endanlega afgreiðir þau.

20. gr.

Formenn nefnda kalla þær saman. Ef eigi er sjálfkjörinn formaður í nefnd, kallar sá nefndina saman í fyrsta sinn, sem flest atkvæði fékk við nefndarkosninguna.

Á fyrsta fundi hveftrar nefndar skal hún kjósa sér formann og ritara.

Formenn nefnda kalla þær síðan saman og hafa þeir á hendi stjórn á fundum þeirra.

Ritarar nefnda rita fundargerðir þeirra, og er þeim skytt að skila til hreppsnefndar úrdrætti úr þeim.

Um leið og nefnd lýkur starfi, kýs hún sér úr hópi nefndarmanna framsögumann. Minnihlutar nefnda hafa framsögu rétt.

21. gr.

Skrá yfir fastar nefndir skal jafnan vera fest upp í fundarsal hreppsnefndar.

22. gr.

Sveitarstjóri sér um framkvæmd og afgreiðslu allra mála, sem hreppsnefnd eða fastar nefndir gera ályktun um, nema að þau séu af hreppsnefnd falin einstökum mönnum.

23. gr.

Ef vafi leikur á um hvernig eigi að skilja fundarsköp, sker hreppsnefnd úr um það.

24. gr.

Afbrigði frá fundarsköpum þessum getur hreppsnefnd gert í einstökum tilfellum, þegar nauðsyn þykir bera til, ef meirihluti mætra hreppsnefndarmanna samþykkir það.

25. gr.

Til breytingar á fundarsköpum þessum, þarf umræður á tveimur fundum hreppsnefndar, meirihluta greiddra atkvæða og staðfestingu ráðherra.

Fundarsköp þessi, sem samin eru og samþykkt af hreppsnefnd Eyrarhrepps, staðfestast hér með samkvæmt sveitastjórnarlögum nr. 58 29. marz 1961, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Félagsmálaráðuneytið, 19. júlí 1967.

F. h. r.

Hjálmar Vilhjálmsson.

Hallgrímur Dalberg.

AUGLÝSING

um staðfestingu á fundarsköpum fyrir hreppsnefnd Reyðarfjarðarhrepps.

1. gr.

Rétt til setu á fundum hreppsnefndar Reyðarfjarðarhrepps eiga 7 kjörnir hreppsnefndarmenn, auk sveitarstjóra. Þeir ræða og gera ályktanir um sveitarmálefni.

Sveitarstjóri hefur ekki atkvæðisrétt á fundum, nema hann sé jafnframt kjörinn hreppsnefndarmaður.

Varamenn taka sæti á fundum í forföllum aðalmanna samkvæmt gildandi sveitarstjórnarlögum.

2. gr.

Á fyrsta fundi hreppsnefndar, að loknum hverjum sveitarstjórnarkosningum, kýs hún oddvita og varaoddvita, og fer um kosningu þeirra og starfstíma eftir gildandi sveitarstjórnarlögum, sem annarra starfsmanna (nefnda), sem hreppsnefnd kýs. Þá skal hreppsnefnd ráða sér fundarritara, og skal hann jafnan vera einn hreppsnefndarmanna. Starfstíma hans ákveður hreppsnefnd.

Oddviti stjórnar fundum og sér um að allt fari fram í reglu og eftir fundarsköpum þessum. Skyllt er fundarmönnum að hlíta úrskurði hans, þó má skjóta úrskurðinum til hreppsnefndar, ef vafi leikur á um skilning fundarskapanna.

Varaoddviti gegnir störfum oddvita í forföllum hans.

Fundarritari heldur gerðabók hreppsnefndar, undir umsjón oddvita, sem sér um, að hún sé rétt og skipulega færð. Þeir fundarmenn, sem mættir eru, skulu undirrita fundargerðina í fundarlok. Hver fundarmaður, sem eigi er samdóma hinum, á rétt á því, að ágreiningsálit hans verði ritað með fáum orðum í gerðabókina.

3. gr.

Sveitarstjóri og oddviti boða hreppsnefndarfundi, á þeim stað og stund, er þeir ákveða. Þó getur oddviti boðað fundi í forföllum sveitarstjóra.

Fundir hreppsnefndar eru tvenns konar, reglulegir fundir og aukafundir. Reglulega fundi skal halda tvisvar í mánuði hverjum. Fundirnir skulu að jafnaði